



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

CXXVI. Suffragium pro singulis Superioribus Provinciarum FF. Prædic. in  
Ind. Occident.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



Concessio  
præd. Indul-  
gentiæ.

tes, & singulares Congregationis hujusmodi per-  
sonas a quibusvis excommunicationis, suspensio-  
nis, & interdicti, aliisque Ecclesiasticis senten-  
tiis, censuris, & penis a Jure, vel ab homine,  
quavis occasione, vel causa latis, si quibus quo-  
modolibet innodatæ existunt ad effectum præ-  
sentium dumtaxat consequendum harum serie  
absolventes, & absolutas fore censentes hujusmo-  
di supplicationibus inclinati, de Venerabilium  
Fratrum nostrorum Sanctæ Romanæ Ecclesiæ Car-  
dinalium negotiis, & consultationibus Episcoporum,  
& Regularium præpositorum consilio, &  
attenta relatione dilecti filii nostri Caroli Angu-  
stini ejusdem S. R. Eccles. Cardinalis Fabroni  
nuncupat. prædictæ Congregationis Vallis-Umbrosæ  
apud nos, & Sedem Apostolicam Protectoris  
super præmissis eidem Cardinalibus facta, memo-  
ratæ Congregationi Vallis-Umbrosæ, petitum  
Indultum, seu communicationem dicta auctori-  
tate tenore præsentium concedimus.

Concessio  
præd. Com-  
municatio-  
nis.

Clausulæ.

§. 4. Decernentes eadem præsentis literas  
semper firmas, validas, & efficaces existere, &  
fore, suasque plenarias, & integros effectus for-  
tiri, & obtinere, ac illis ad quos spectat, & pro  
tempore quodcumque spectabit in omnibus,  
& per omnia plenissime suffragari: Sicque, in  
præmissis per quoscumque Judices Ordinarios,  
& Delegatos, etiam Causarum Palatii Apostoli-  
ci Auditores, judicari, & definituri debere; ac ir-  
ritum, & inane si secus super his a quoquam  
quavis auctoritate scienter, vel ignoranter conti-  
gerit attentari.

§. 5. Non obstantibus præmissis, ac Constitu-  
tionibus, & Ordinationibus Apostolicis, necnon  
quatenus opus sit dictæ Congregationis Vallis-  
Umbrosæ, etiam juramento, confirmatione Apo-  
stolica, vel quavis firmitate alia roboratis statu-  
tis, & consuetudinibus; privilegiis quoque, indul-  
tulis, & literis Apostolicis in contrarium præ-  
missorum quomodolibet concessis, confirmatis,  
& innovatis. Quibus omnibus, & singulis, illo-  
rum tenores præsentibus pro plene, & sufficien-  
ter expressis, ac ad verbum insertis habentes,  
illis alias in suo robore permanens ad præmissorum  
effectum hac vice dumtaxat specialiter, &  
expresse derogamus, caterisque contrariis qui-  
buscumque.

§. 6. Volumus autem, ut earumdem præsen-  
tium literarum transumptis, seu exemplis, etiam  
impressis manu alicujus Notarii publici subscri-  
ptis, & sigillo personæ in Ecclesiastica dignitate  
constitutæ munitis, eadem prorsus fides ubique  
locorum, tam in judicio, quam extra illud ha-  
beatur, quæ ipsis præsentibus haberetur, si forent  
exhibitæ, vel offensæ.

Datum Romæ apud Sanctam Mariam Majorem  
sub Annulo Piscatoris die XXVIII. Septembris  
MDCCXIII. Pontificatus nostri Anno Decimo-  
tertio.

CXXXV.

Conceditur Indulgentia plen. perp. pro Ecclesiis  
Fratrum Capuccinorum in Festis SS. Paschalis  
Baylon, & Jo. a Capistrano.

*Ab Inn. XI. Const. ed. 1689. Maji 19. P. 13. con-  
cessa fuit facultas applicandi quamdam Indul-  
gentiam animabus Defunctorum. Et Bened. XIII.  
Const. ed. 1709. Mar. 12. P. 5. extat Beatifica-  
tio B. Fidelis.*

Dat. 11. Oct.  
1713. An. 13.

CLEMENS PAPA XI.

Universis Christianis fidelibus presentes literas in-  
specturis salutem, & Apostolicam  
benedictionem.

Ad augendam Fidelium Religionem, & Ani-  
marum salutem Cælestibus Ecclesiæ Thesau-

ris pia charitate intenti, omnibus utriusque sexus  
Christianis fidelibus vere poenitentibus, & confessis,  
ac Sacra Communione refectis, qui aliquam ex  
Ecclesiis Fratrum Ordinis Minorum S. Francisci  
Cappuccinorum nuncupatorum ubique existen-  
in Sanctorum Paschalis Baylon, & Joannis a Ca-  
pistrano a primis Vesperis usque ad occasum So-  
lis dierum hujusmodi singulis annis devote visi-  
taverint, & ibi pro Christianorum Principum  
concordia, hæresum extirpatione, ac Sanctæ Ma-  
tris Ecclesiæ exaltatione pias ad Deum preces  
effuderint, quod die prædictorum id egerint, plen-  
ariam omnium peccatorum suorum Indulgentiam,  
& remissionem misericorditer in Domino  
concedimus. Præsentibus perpetuis futuris tem-  
poribus valituris.

§. 1. Volumus autem, ut earumdem præsen-  
tium literarum transumptis, seu exemplis, etiam  
impressis, manu alicujus Notarii publici subscri-  
ptis, & Sigillo personæ in Ecclesiastica dignitate  
constitutæ munitis, eadem prorsus fides ubique  
locorum habeatur, quæ ipsis præsentibus habe-  
retur, si forent exhibitæ, vel offensæ.

Datum Romæ apud Sanctam Mariam Majorem  
sub Annulo Piscatoris die XI. Octobris MDCCXIII.  
Pontificatus nostri Anno Decimotertio.

Clausulæ.

Decernitur, servandum esse solitum super suffra-  
gio ferendo a Superioribus cujuscumque Cœ-  
nobii Fratrum Ordinis Prædicatorum in Pro-  
vinciis Indiarum Occiden., non obstante Con-  
stitutione Pauli V.

CXXXVI.

*Laudata Pauli V. Const. ed. fuit 1611. Decem. 23.  
Idem concessum fuit Provinciis S. Antonii, &  
S. Crucis ab hoc Pontifice Const. ed. 1712. Jul.  
2. P. 12. necnon Eremitis S. Augustini Const. edit.  
1713. Jun. 21. P. 13. Et Innoc. XIII. Consti-  
tut. ed. 1722. Apr. 24. P. 1. concedantur Provin-  
cia Mexicana octo gradus Magisterii.*

CLEMENS PAPA XI.

Ad futuram rei memoriam.

**A**lias pro parte Provinciarum S. Antonii no-  
vi Regni Granatensis, & Sanctæ Crucis Or-  
dinis Fratrum Prædicatorum in Indiis Occidentali-  
bus Nobis exposito, quod licet praxis incon-  
cussa inolevisset, Priores, seu Vicarios illorum  
Conventuum, seu Domorum, tametsi sufficientem  
Religiosorum numerum minime alerent,  
ita ut in nonnullis ex eisdem Conventibus qua-  
tuor Religiosi, ac etiam unus uti Prior, seu Vi-  
carius permaneret ad Provincialia Capitula cum  
Voto, & loco in Superioris Provincialis ele-  
ctione juxta etiam approbationem sel. rec. Cle-  
mentis VII., Pauli III., Gregor. XIII., & Ale-  
xandri etiam VII. Romanorum Pontificum Præ-  
decessorum nostrorum semper accessisse, nihilo-  
minus nonnullis abhinc annis ab aliquibus fa-  
ctionariis scandalose præsumtum fuerat, Provin-  
cialium, seu Vicariorum electiones cum Voto,  
& suffragio eorumdem Priorum, seu Vicariorum  
sic celebratas nullas, & irritas fuisse, & quidem  
vigore quarundam piæ mem. Pauli PP. V. pa-  
riter Prædecessoris nostri desuper in simili forma  
Brevis die 27. Decembris 1611. expeditarum li-  
terarum, quibus præscribitur, quod dicti Con-  
ventus, seu Domus numerum saltem octo Reli-  
giosorum alere non valentes perpetuo supprimi,  
aut fratres in tam exiguo numero inibi viven-  
tes, ad alios Conventus, ubi regularis vigeret  
observantia transferri deberent. Et in eadem ex-  
positione subjuncto, quod ejusdem Pauli V  
Prædecessoris Literas hujusmodi per Episcopos

Dat. 11. Oct.  
1713. An. 13.

Idem antea  
definitum  
fuerat a Con-  
gregatione  
pro Provin-  
ciis S. Anto-  
nii, & S.  
Crucis.



& Archiepiscopos earumdem Indiarum quorum arbitrio illarum executio remissa fuerat, executioni unquam demandatas fuisse non constabat; Imo Vener. Frater Archiepiscopus Sanctæ Fidei infrascriptæ Cardinalium Congregationi per peculiarias literas ipsi directas retulerat, impossibile prorsus fore ad earum executionem devenire; Ideoque earumdem Provinciarum nomine nobis supplicato, ut in dictis Provinciis tam circa permanentiam memoratorum Conventuum, quam accessus, ac suffragia danda ab illorum Prioribus, & Vicariis in ejusmodi Capitulis Provincialibus non obstantibus prædictis Pauli V. Prædecessoris literis. Solitum servari mandavimus. Nos controversiam hujusmodi ad Congregationem Venerabilium Fratrum nostrorum Sanctæ Romanæ Ecclesiæ Cardinalium negotiis, & Consultationibus Episcoporum, & Regularium præpositorum examinandam remisimus; Ipsa vero Congregatio per suum Decretum die 10. Junii anni proxime præteriti emanatum rescripsit, quod solum servaretur, prædictis Pauli V. Prædecessoris literis, & aliis quibuscumque non obstantibus.

Causa fequentis Decreti, & preces Procuratoris Gen.

§. 1. Cum autem, sicut dilectus filius modernus Procurator Generalis dicti Ordinis nobis nuper exponi fecit ne eadem præteniones, & scandala in omnibus aliis dictarum Indiarum Occidentalium Provinciis prædicti Ordinis vigeant, seu irrepant, ac proinde in illis, id quoque quod pro prædictis Provinciis Sancti Antonii, & Sanctæ Crucis Decretum fuit, servari plurimum desideret; Nobis propterea humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

Decretum præd. pro aliis Provinciis.

§. 2. Nos igitur dictum Procuratorem Generalem specialibus favoribus, & gratiis prosequi volentes, & a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a jure, vel ab homine quavis occasiones, vel causa latis, si quibus quomodolibet innodatus existit ad effectum præsentium dumtaxat consequendum harum ferie absolventes, & absolutum fore censentes hujusmodi supplicationibus inclinari, de suprascriptæ Congregationis Cardinalium consilio, ut de cætero in reliquis earumdem Indiarum Occidentalium Provinciis ejusdem Ordinis, prædictis Pauli V. Prædecessoris literis, & aliis quibuscumque minime obstantibus, servetur solitum auctoritate Apostolica tenore præsentium decernimus, & declaramus: Salva tamen semper in præmissis auctoritate ejusdem Congregationis Cardinalium.

Clausula.

§. 3. Decernentes pariter easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandocumque spectabit, in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, necnon quatenus opus sit Provinciarum, & Ordinis prælatorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis

habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earumdem præsentium literarum autsumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ubique locorum tam in judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die XI. Octob. MDCCXIII. Pontificatus nostri anno Decimotertio.

Conceduntur Indulg. perp. Clericis, seu Presbyteris, qui interfuerint Collationibus fieri solitis in Ædibus Congregationis Missionis in Monte Citatorio Urbis.

CXXVII.

Const. ed. 1701. Nov. 5. P. 1. extant alia Indulgentiæ, & Bened. XIII. Const. ed. 1719. Aug. 13. P. 6. Beatificatio Servi Dei Vincentii a Paulo.

C L E M E N S P A P A X I .

Dat. 27. Oct. 1713. An. 13.

Ad perpetuam rei memoriam.

Cum, sicut accepimus, in Domo Presbyterorum Sæcularium Congregationis Missionis nuncupat. in Monte Citatorio de Urbe, juxta laudabile ejus institutum singulis tertiis feriis cujuslibet hebdomadæ collatio, sive Colloquia ad perfectionem spiritus conducentia haberi consueverint. Nos eorum devotionem, qui operi adeo pio, & salubri vacaverint cælestium Ecclesiæ thesaurorum largitione magis excitare volentes, de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis Clericis, sive Presbyteris in dicta Collatione tam descriptis, quam pro tempore describendis, in cujuslibet eorum mortis articulo, si vere pœnitentes, & confessi, ac Sacra Communione refecti, vel quatenus id facere nequiverint, saltem contriti Nomen Jesu ore, si potuerint, sin minus corde devote invocaverint, plenariam; Præterea eisdem præsentibus, & futuris Clericis, seu Presbyteris, vere similiter pœnitentibus, & confessis, ac Sacra Communione refectis, qui Ecclesiæ dictæ Domus feria tertia majoris hebdomadæ, qua propositum imitandi Salvatorem nostrum innovare solet, a primis vesperis, usque ad occasum solis diei hujusmodi annis singulis devote visitaverint, ac pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effuderint, etiam plenariam omnium peccatorum suorum Indulgentiam, & remissionem misericorditer in Domino concedimus. Insuper eisdem Clericis, seu Presbyteris nunc, & pro tempore existentibus, qui in reliquis tertiis feriis totius anni ejusmodi Collationi, & Colloquiis interfuerint, & oraverint, ut præfertur centum dies de injunctis eis, seu alias quomodolibet debitis pœnitentiis in forma Ecclesiæ consueta relaxamus. Præsentibus perpetuis futuris temporibus valituris.

Collationes fieri solent singulis tertiis feriis.

Indulgentia plen. in mortis articulo.

Item alia in feria 3. majoris hebdomadæ.

Necnon 100. dies in reliquis tertiis feriis.

Datum Romæ apud Sanctam Mariam Majorem sub Annulo Piscatoris die XXVII. Octobris MDCCXIII. Pontificatus nostri Anno Decimotertio.

Pro-